

## UGOVOR O PRUŽANJU USLUGA TEHNIČKE ZAŠTITE

ugovor broj: 1908 /2018

Zaključen u Sarajevu dana 31.12.2018. godine.

Ovaj ugovor o pružanju usluga tehničke zaštite (u daljem tekstu "Ugovor") je zaključen između:

### NARUČITELJ USLUGA:

JU Srednjoškolski centar Hadžići  
UI: Anđelka Lažetića 17, Hadžići  
ID: 4200646760007  
koju zastupa Selver Ejubović, direktor

i

### DAVATELJ USLUGA:

Agencija za zaštitu ljudi i imovine Securitas d.o.o.  
UI: Bačići 3, 71000 Sarajevo  
ID: 4227417480004  
PDV: 227417480004  
koju zastupa Valdin Jažić, direktor

U daljem tekstu zajedno: "Ugovorne strane"

### PREDMET UGOVORA

#### Član 1.

Predmet ugovora je:

#### 1.1. Tehnička zaštita objekta naručitelja obuhvata monitoring protivprovalnog i vatrodojavnog sistema tehničke zaštite, kao i:

- Pripremljenost nadzornog centra Davatelja usluga za prijem i detekciju alarmnog i vatrodojavnog signala putem GPRS-a od strane alarmnog sistema Naručitelja usluga;
- Spremnost mobilne interventne ekipe da reaguje po uputama dežurnog u nadzornom centru u momentu prijema i detekcije alarmnog i vatrodojavnog signala putem GPRS-a.

Protuprovalna i vatrodojavna zaštita objekta izvodi se u vremenu kada je alarmni sistem uključen od strane Naručitelja usluga ili drugih korisnika kojima Naručitelj usluga daje ovlaštenja i pristupne šifre.

Pod sistemom tehničke zaštite podrazumijeva se oprema za tehničku zaštitu instalirana na objektu Naručitelja usluga od strane certificiranih tehničara (u skladu sa Zakonom).

Po dojavi operativnog radnika iz dojavnog centra Davatelja usluga o aktiviranju protivprovalnog alarma, interventni tim Davatelja usluga će otići na lice mjesta u što kraćem roku, a najkasnije u roku do 15 minuta prema članu 32. Uredbe o poslovima tehničke zaštite koji se odnose na upotrebu alarmnih sistema, videonadzora ili drugih tehničkih sredstava i opreme te poslove intervencije u slučaju aktiviranja alarmnog sistema („Sl. Novine FBiH“, broj: 72/15) (u daljem tekstu: Uredba).

Ukoliko se na alarmnom sistemu uoči tehnička greška, oštećenje sistema zaštite ili je na štichenom objektu prouzrokovano oštećenje koje se ne može odmah otkloniti, uz saglasnost predstavnika Naručitelja usluga objekat će se zaštititi fizičkom zaštitom, do otklanjanja nedostataka.

Naručitelj usluga je saglasan da Davatelj usluga može postupiti u skladu sa članom 47. Uredbe.

#### 1.2. Redovan servis i održavanje protivprovalnog i vatrodojavnog sistema tehničke zaštite

Na osnovu člana 46. tačka 1. Uredbe, Davatelj usluga će vršiti redovno servisiranje sistema tehničke zaštite dva puta (svakih 6 mjeseci) u toku godine.

Redovan servis podrazumijeva: kontrolu funkcionalnosti protivprovalnog i vatrodojavnog sistema, čišćenje senzora, kontrola napona baterije i testiranje sistema tehničke zaštite.

Svi dodatni radovi i zamjena opreme nisu uključeni u redovni servis i naplaćuju se dodatno kroz uslugu održavanja sistema tehničke zaštite.